



Peter Olsen
Inatsisartunut ilaasortaq, Inuit Ataqtigiit

Savalimmiuni efterskolerneq pillugu § 37 naapertorlugu apeqqummut nr. 218/2024-mut akissut

10-10-2024
Sagsnr: 2024 - 1595
All. nr. 24632108

Asasara Peter Olsen,

Postboks 1029
3900 Nuuk
+299 34 50 00
Mail: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullingguuttuni akissuteqarfigissavakka.

Apeqqut 1:

Nunatsinneersut Savalimmiuni efterskolertalernissaannut piareersaatit sumut kilippat?

Akissut:

Savalimmiuni efterskolernissamut tapiiffigineqarsinnaalernissaq anguniarlugu efterskolit pillugit inatsisip allanngortinneqarnissaa Naalakkersuisut suli siunertaraat. Efterskolit pillugit inatsisip allanngortinneqarnissaa inatsisiliassatut pilersaarutini salliutillugu suliarineqarnissaa taamaasillunilu tassunga tunngatillugu 2025-p ingerlanerani inatsisissatut siunnersuummik saqqummiussisoqarnissaa Naalakkersuisut siunertaraattaaq.

Apeqqut 2:

Naalakkersuisut tassunga tunngasumik allamik oqaasissaqarnerpat?

Akissut:

Efterskolit pillugit novembarimi workshop-ertoqarnissaani Savalimmiuni efterskolertarnermi tapiiffigineqarsinnaanissap oqallisigineqartussat ilagimmassuk ilisimatitsissutigisinnaavara. Efterskolit pillugit inatsisip nalilersorneqarnissaa workshop-ertoqarnerani pisussaavoq tassanilu inatsisip atuuttup nalilersorneqarnissaa siunertaassaaq, siunnersueqatigiinnerlu inatsisip nalilersorneqarnerani pisussaassaaq. Kalaallit efterskolii, kommunit efterskolinut ingerlatsivii, Efterskolertut peqatigiiffiat (Danmarkimi) aamma Foreningen af Frie Fagskoler (Danmarkimeersoq) Ilinniartitaanermut, Kultureqarnermut, Timersornermut ilageeqarnermullu Naalakkersuisoqarfiup Ilinniartitaanermut Aqutsisoqarfik suleqatigalugu workshopertitsinissaanut aggersarneqarput. Workshoppip qulequtaraa "siunissami efterskolit".

Inussiarnersumik inuulluaqqusillunga

Aqqaluaq B. Egede